

Le Mariage Et La Famille
Dans L' Islam



MUNIR AHMAD AZIM

**HAZRAT AMIR'UL MOMENEEN MUHYI-OD-DIN
AL-KHALIFATULLAH**

JAMAAT UL SAHIB AL ISLAM



PRÉFACE

Mo fine expose par la grâce d'Allah dans sa livre là, quelques détails sur le mariage et la famille dans l'Islam. De nos jours, la femme musulmane pas comprend très bien la philosophie du mariage, tel couma Allah fine révélé.

Mo bizin aussi préciser ki ena aussi bane missiés et jeunes hommes aussi ki ignorant du fait couma ene vrai mariage en Islam bizin célébrer et ki zot bizin attane du mariage et zot responsabilités. Mo fine inclure dans sa livre là aussi quelques conseils spéciale pour bane filles et madames, parceki zot bane mamans de bane futures générations et de ce fait bizin absolument faire zot *Tarbiyyat* (l'éducation) dans ene meilleur façon. Sa livre là, en l'appui de bane versets du Saint Coran et bane Hadiths ki permette moi pou accompli sa tâche pou réveille bane madames et missiés de zot devoirs et responsabilités ki pé attane zot dans ene mariage, et couma pou nourri sa mariage là et conne so philosophie et so déroulement aussi du moment ki le *Nikah* prononcer.

Bane parents aussi concerner par le mariage de zot zenfants, et sa livre là détaille couma bane parents aussi bizin comporte zot kan zot pé finalise ene *Rishta* (demande en mariage) pour zot zenfant (sois fille ou garçon) et ki bane conditions légales zot bizin observer, ki pas à l'encontre de bane droits de zot bane zenfants.

Insha-Allah, ki sa livre là ouvert li yeux de bane musulmans afin ki zot prend conscience valeur ene vrai mariage ki ena bénédiction d'Allah là-dans, au lieu de l'étalage et gaspillage. De plus sa livre là aider aussi couma la femme et l'homme bizin établir zot dans zot foyer afin ki demain, sa foyer là capave fer grandi bane zenfants dans l'entente islamique.

Paix aux prophètes, Louanges à Allah, Seigneur de tous bane les mondes !

Munir Ahmad Azim

Hazrat Amir'ul Momeneen Muhyi-ud-Din Al-Khalifatullah

Jamaat Ul Sahih Al Islam

27 Juillet 2011 ~ 26 Shabaan 1432 Hijri

INTRODUCTION

Quand on étudie un peu plus l' Islam, on trouve une jolie face de sa religion là, c' est ki li faire provision en guide complet dans tous bane aspects de la vie quotidienne. Bane institutions ki concerne le mariage li compréhensible dans le Saint Coran et bane Hadiths. Le mariage li ene élément de base dans formation ene famille.

Bane familles saines li essentielle pour préservation race humaine dans ene façon agréable. Allah ordonne donc mariage à bane croyants pour ki zot tire bane bénéfices lors le plan moral, spirituel, social et psychologiquement.

Le Saint Prophète (saws) fine dire, « *Le mariage li mo commandement et mo pratique. Celui ki pas pratique li, pas mo bane partisans* », et ene homme marié, li complète la moitié de so religion.

C' est à travers sa institution là, ki bane hommes accomplit zot obligation envers zot- même, et du point de vue d' importance, bane obligations là vine juste après so bane devoirs envers Allah.

Li nous responsabilité pour guetter si nous respecter li et ki nous vine ene membre. C' est ene lourd fardeau ki pèse lors bane hommes et aussi bane madames et mo constater ki bien peu dimoune conscients de sa. Quand nous essaye pour réaliser, nous bane efforts paraître insuffisant. Ena deux sortes la loi ki bien clair dans l' Islam.

Ene par rapport à Allah et l' autre par rapport à nous- mêmes. Le mariage li appartient au deuxième catégorie là, et capave considérer comme la proposition principale de sa catégorie là. La loi Islamique fine donne tous so valeur, mais ena beaucoup dimoune pas comprend la loi, ni zot essaye pour tire profit. Zot ressembler à ene ti baba ki prêt pour échange ene diamant précieux pour ene pièce. Mo souhaiter ki bane dimoune capave realise l' importance du mariage.

Le mariage li donc, ene affaire très sérieux pour ene musulman. Pourtant, ou pour conne beaucoup bane réalisations intellectuelles, émotionnelles et spirituelles quand on pé cherche bane guides d' Allah et So prophète (saws) lors bane relations maritales allant depuis choix approprié du partenaire jusqu' à la résolution bane problèmes conjugales.

Ou pour trouve ene système en opération ou ene chose ki on capave faire confiance, bane responsabilités claires, bane règles, et bane buts ki pour guide on, et kot bane barrières et bane soutiens d' équilibre pour établi ene corde de sécurité pour tous bane membres de la famille. Sans doute ki dans sa cas là, l' Islam présente l' idéal ki so réalisation dépende lors actions de chaque membres de la famille.

CONCEPT ISLAMIQUE DE LA FRATERNITÉ

Depuis le début de l' Islam, ti ena bane femmes noble et bénies ki bane femmes et filles musulmanes bizin servi comme modèle. Zot fine montrer bane traits de caractère en accomplissant bane travaux remarquables ; zot fine apprane et enseigne les autres bane buts sublimes de zot la foi, avec piété, humilité, amour et esprit de sacrifice. Parmi sa bane madame là ti ena : Hazrat Khadtija et Hazrat Aïsha (épouses du Saint Prophète (saws)), Hazrat Nusrat Jahan (épouse du Messie Promis) et d' autres encore.

Bane vraies servantes d' Allah c' est bane ki suivre l' exemple de sa bane madames ki fine citer là. Azordi jours, par la grâce d' Allah dans la Jamaat Ul Sahih Al Islam, Allah fine donne à So bane servantes le nom de « *Siraj Makin* », ki veut dire, ene torche ki illuminer, ki apporte la lumière kot sa li été, et li encourage so bane membres pour faire bane bons action.

Bane tels madames coumsa zot participer dans bane réunions locales, et joindre dans bane activités. C' est là ki nous trouve appartenance à la fraternité de bane femmes musulmanes. Zot accueille chaleureusement tous bane femmes ki pas capave communiquer dans zot réunion. Bizin conner ki bane coutumes li culturelle et pas religieuse.

Le Saint Coran et bane Hadiths explique clairement la loi Islamique ; pas essaye pour imite aveuglement cultures les autres. Ene l' autre aspect de la fraternité en l' Islam, c' est la relation spirituelle entre ou (bane madames) et bane sœurs de la foi. Sa li dépende partage bane attributions ki promouvoir la cause de l' Islam. Sa bane devoirs là li implique acquisition, pratique et l' enseignement de la connaissance morale et spirituelle.

Voici quelques suggestions ki fine déjà expérimenté pour rendre bane liens de fraternité plus ferme :

- Magine Allah beaucoup pendant toute la journée.
- Porte attention bane cinq la prières quotidienne, rappelle bane paroles arabe de Namaz et so traditions, lire et comprend le Saint Coran et apprendre et pratique bane Hadiths.
- Apprendre Islam avec ou bane sœurs en Islam.
- Assister régulièrement à bane réunions ki organiser par la communauté et rendre bane services volontairement à l' Islam.
- Donne l' Ummah/Jamaat so revenue et aide bane pauvres.

Le Mariage Et La Famille Dans L' Islam

- Prier avec et pour ou bane sœurs pour ki bane malentendu disparaître dans ene l'ambiance d'amour et faire ki tous bane barrière culturelle tomber.
- Bizin habillé avec modestie selon l'Islam.
- Accepter invitation de ou bane sœurs et invite zot en retour afin ki pour établir respect et affection.
- Apprendre bane paroles dans même langue ki nous bane sœurs et nous servi zot.
- Recherche compagnie de bane sœurs pieuses et consacrer ou à la prière et à bane bonne actions pour préserve ou la foi.
- Tire ou de ou bane faiblesses par le jeûne et purifier ou par la repentance et le pardon.
- Expose la vérité et la beauté de l'Islam avec conviction à quelqu'un ki tente pour détourne ou de ou religion.

Kan pou ena de tels madames et filles ki dévouer à la cause de l'Islam, sa pou rende l'Islam encore plus solide, et le fait ki la femme li la base de l'Islam – kot li porte ene nouvelle génération, alors faudé sa base là solide, ferme, et vertueuse pour ki demain kan li rentre dans so foyer marital, li ena bane bagages ki bizin pou amène l'Islam à so sommet. Sa conseils là li valable aussi pour bane missiés, ki zot aussi zot le poteau de la nation islamique, le poteau de zot foyer et l'espoir d'ene génération nouvelle ki attacher à Allah, surtout kan par le lien du mariage li, ensemble avec so madame, zot fer tous zot mieux pour cultive l'amour d'Allah et de So Rassool (saws) dans zot lé cœur et zot inculquer sa l'amour là aussi dans lé cœur de zot bane zenfants.

QUELQUES CONSEILS DE BASE DU MARIAGE

1. Quand ene missié fine faire ene proposition mariage. Et ki so la foi et so moral plaire ou, alors accepter li. Si ou pas accepter, méchanceté et désordre pour répandre.
2. Donne bane madames en mariage à bane missiés ki zot d'accord.
3. Ene madame plus béni, c'est lui ki so mariage fine ena moins dépense.
4. Pas fixer *Mahr* bane madame trop élevé.
5. Ena trois choses ki bizin pas retarder : Namaz quand so l'heure fine arriver; Mayyat quand fine prêt; ré-mariage ene veuve ki fine gagne ene proposition convenable.

6. Ene mariage bizin proclamé ouvertement.

7. Ene célébration mariage, lendemain le mariage li plus approprier, lors deuxième jour li bon, et lors troisième jour li orgueilleux et étalage.

BANE INTERDICTIONS KI CONCERNE LE MARIAGE

Allah fine mette en place bane interdictions ki concerne le mariage, et bane les autres aspects lors relations entres bane hommes et femmes.

1. Ena certaines personnes avec ki ene musulman\musulmane pas gagne droit marier. Le Saint Coran (4 :24) fine mentionne : la mère, le père, sœurs, frères, tantes et oncles (maternels et paternels), bane neveux et nièces. Néanmoins, li permettre pour marier avec ou cousin ou cousine. Ena encore l'autres relations maritales ki interdit, par exemple, ene homme pas capave marier avec so belle-fille si li fine reste quelque temps avec so maman biologique. De même, li pas capave ena relations maritales avec deux sœurs en même temps (4 :23).

2. Le mariage avec ene idolâtre li totalement interdit (2 :222) pour les deux sexes. Cependant bane hommes capave marier avec bane femmes issue des « *Gens du Livre* », c'est-à-dire bane ki suive ene livre révélé. Cependant, sa li pas souhaitable.

En plus, ou bizin conner ki le Messie Promis Ahmad (a.s) fine réduire catégorie « *Gens du Livre* » à bane femmes Juives et Chrétiens seulement. Li fine aussi interdit bane femmes Ahmadis marier avec bane hommes non-Ahmadis.

La raison li très saine, li pas permettre à ene madame pour marier en dehors de so la foi parceki quand li dans foyer et l'environnement de so mari, li et so enfants pour exposer à ene culture et bane pratiques non-musulmans et non-Ahmadis.

Ainsi li pour bien difficile pour reste ferme de so propre foi et élever so enfants comme musulmans. Ene homme, d'autres part, capave plus facilement influence so madame et faire li suivre le mode de vie Islamique.

CHOIX DU PARTENAIRE ET MARIAGE ARRANGER

Ene des facteurs pour un mariage réussi li repose lors le choix ene personne approprié avec ki ou pour passe le reste de ou la vie. Ici encore, l' Islam servi nous ene guide. Le Saint Prophète (saws) dire : « *Certains marier pour beauté, les autres pour le statut social et d'autres pour la richesse; mais ou bizin marier avec ene madame bonne et pieuse* ».

La piété, ou la bonté morale, zot bane qualités plus important pour roder kot ene partenaire potentiel. Si ou et ou partenaire, zot dans la droiture, zot pour approche tous bane aspects du mariage avec crainte d' Allah et zot pour réussi dans tous. Les autres facteurs ki bizin prend en considération quand ou choisir ene partenaire c'est so milieu familial, so l' âge, so l' éducation et so intérêts.

La prière aussi ene outil potentiel pour décider lors ene partenaire. L' Islam fine enseigne nous pour faire la prière '*Istighhara*' pour cherche la direction d' Allah avant ou prend ene décision importante.

Suivant sa bane instructions là, mariage parmi bane musulmans li souvent arranger avec consentement garçon et la fille aussi. C'est bane parents ou bane tuteurs ki arrange mariage zot enfant, ene fois ki zot arrive l' âge et niveau de maturité approprié.

Pour bane ki fine grandi dans la société occidentale, sa l' idée là li difficile pour accepter au début. Mais sa méthode pour choisir partenaire là fine pratiqué pendant des centaines d' années et fine produire vraiment bane mariages plus stable et plus heureux.

Ene comparaison bane taux de divorce entre la société occidentale, kot bane rendez-vous li habituelle et la société Islamique démontre clairement ki mariage arrangé dure plus longtemps et zot plus sécurisants. Raison pour sa, c'est ki bane parents ou tuteurs zot conne mieux caractère zot enfants, et zot pour essaye pour choisir ene partenaire ki plus compatible.

Quand ene homme et ene madame joindre lors rendez-vous, bane danger existe ki bane passions du moment capave recouvert zot raisonnement et zot jugement. Zot capave marier à cause bane attraction physique seulement et constate bane incompatibilité entre zot quand li trop tard.

L' attraction physique ou le fait '*d'être amoureux*' capave user rapidement face à les autres problèmes ki capave conduire à ene non-satisfaction et à ene séparation éventuelle. D' autre part, dans ene mariage arranger l' attraction physique jouer ene rôle mineur, et couple là pas entame le mariage avec ene attende '*d'amour romantique*', mais zot prend li comme ene partenariat kot tous les deux bizin faire bane sacrifices personnels et bizin travail pour plaire zot partenaire.

Le Mariage Et La Famille Dans L'Islam

Le développement graduel du respect, de la confiance et l'affection faire souvent ene lien entre le mari et la femme et ki plus fort et durable ki ene lien baser lors l'attraction physique seulement. Aucun mariage pas capave arranger et entrepris sans consentement de l'homme et la femme concerner. Néanmoins, madame là bizin ene tuteur ou ene représentant pour arrangement là. L'intention c'est ki bizin sauvegarde so droit et maintenir so modestie.

L'IMPORTANTANCE DE BIEN CHOISIR LE OU LA FUTURE MARIÉ

L'Islam permettre celui ki pé cherche ene épouse pou bien guette celle ki li fine choisir. Ene partie de bane Oulémas penser ki regard pas bizin dépasse figure et la mains, c'est-à-dire bane parties de le corps ki ene femme ena droit montrer devant bane étrangers.

Bane les autres dire, de l'autre coté, ki le fiancé ou mari ena droit guette autres parties figure et la mains. Parmi bane partisans de sa l'opinion là ena pas trouve aucun inconvéniént quand papa fiancée là présente so ti fille à fiancé sans *Hijab* afin ki garçon là capave bien guette so fiancé.

Hadith suivant :

« Quand ene d'entre zot pé demande la main d'ene ti fille, péna nannié de blâmable à ce ki missié là pé guette ti fille là, même si ti fille là ignorer ki missié pé observe li. »

D'après Hazrat Abu Huraira (ra) : *« Ene missié ti vine cote le Saint Prophète (saws) et dire li : « O prophète d'Allah, mo fine marier avec ene femme des Ansar. » Le Saint Prophète (saws) dire li : « Eski to fine bien guette li ? » « Non », missié là fine répond. Le Saint Prophète (saws) dire li : « Guette-li bien parski bane femmes des Ansars ena kitchose particulier dans zot li yeux. »*

Dans ene l'autre version, li dire : *« guette li bien, de sa façon là, li pli convenable pour zot content et pour zot entendre (avec zot camarade). »*

LA PRESENCE DE TUTEUR

L'Islam li permettre à l'homme et la femme pour rencontrer et causer l'un avec l'autre avant mariage, en présence d'ene chaperon. Dans Islam, pas capave faire ene mariage sans présence d'ene personne ki est responsable ou ki le gardien de tifille là. Le Saint Prophète (saws) fine dire : *« La femme pas capave marier sans présence de so gardien et plisse de deux témoins. »*

Le Mariage Et La Famille Dans L' Islam

Présence d'ene gardien, li pas veut dire ki la femme péna so mot à dire concernant ene sujet ki li penser en premier. Au contraire, Islam considère accord d'ene femme couma ene condition nécessaire pour ki mariage là valable.

Abu Huraira rapporter ce ki le Saint Prophète (saws) fine dire : « *Bane ce ki fine gagne ene mari, nous pas marier li si c'est après ki nous délibérer avec li, et celle ki est vierge, nous pas marier li avant ki li donne so consentement* ».

Hadith rapporté ki ene jeune fille, ki so papa ti marier li sans so consentement, li ti vine guette le Saint Prophète (saws) pou faire ene plainte contre so papa. Le Saint Prophète (saws) dire li : « *To ena droit pour refuser.* » Ti fille là dire : « *mo accepter, O Saint Prophète (saws) mais mo ti envie montrer ki la femme aussi ena so droit ki pas bizin marier sans so consentement.* »

Ene fille ki fine accepter l' Islam et so parents pas musulman, bizin procure ene tuteur si li envie marier. Sa capave faire soit li demande personnellement à quelqu'un de so choix ou li faire requête à l'autorité concerné du Jamaat pour recommande li quelqu'un. Le tuteur, ki bizin ene homme, li responsable protection bane droits légales, religieux, sociales et maritales ti fille là. Si ene conseil pré-maritale fine exiger, tuteur là bizin agir en cette capacité ou arranger pour ki sa capave faire.

CONSEIL ET RECOMMANDATIONS AVANT MARIAGE

D'après Anas, kan bane compagnons du Saint Prophète (saws) marier ene de zot ti filles, zot recommande ti fille là d'obéir so mari et prend so droit en considération. Li dans tradition ki bane parents de la mariée là donne bane conseil et recommandation à zot ti fille, pour ki li adapter sans problèmes dans so nouvelle la vie.

Rapporté ki Abdallah ibn Djafar ibn Abou Taleb, fine faire bane recommandations à so ti fille : « *Mo ti fille, faire attention à la jalousie, car sa c'est la clé divorce ! Pas faire souvent bane reproches à to mari, car sa pour cause bane disputes entre zot ! Passe du Kohl lors to cils car li ene meilleur produit de beauté pour bane madames; meilleur parfum, c'est de l'eau.* »

Même façon ou donne bane recommandations, et conseil à le marié aussi.

C'est coumsa même le Saint Prophète (saws) fine dire Ali quand li fine donne so ti fille Fatima à Ali: « *Li à toi à ene condition ki ti prend soin de li.* »

Ene femme en même temps donne bane conseil suivant à so ti fille ki ti pour marier, « *Mo tifille ! To pour commence ene nouvelle vie...Ene vie kot pas pou ena place pou to maman et to papa, pareil pou to bane frères et sœurs.*

Le Mariage Et La Famille Dans L' Islam

To pou être l'épouse d'ene homme ki pas pour associer toi avec personne, même si li de so la chair et to du sang.

Mo ti fille, vine pou li ene épouse et ene maman en même temps. Faire d'ene maniere ki to tout dans so la vie. Garde dans l'esprit ki ene homme, n'importe ki homme, li ene grand zenfant ! Ene ti parole de bon capave réjouir li. Pas laisse li jamais penser quand li fine marier avec toi, li pé prive toi de présence de to parents et de to famille. Car li aussi capave pense pareil, ki li fine marier avec toi et quitte la caze de so parents et so famille.

Bien sûr, ena la différence ki sépare de li, ki exister entre ene homme et ene femme. La femme reste toujours tendresse et triste pou so famille et la cazge dans ki li fine trouve li jour, grandi et apprendre so premiers gestes de la vie. Mais, li obliger capave adapter à so nouvelle vie, ki li pé partager avec sa dimoune ki vine so mari là, so protecteur et papa de so bane zenfants. C'est sa même to nouvelle la vie, mo tifille.

Mo ti fille à la to présent et to l'avenir. C'est sa même famille ki to pou former, toi et to mari. Quand à to parents, zot faire partie du passé. Mo pas demande toi oublier to papa, to maman, ni to frères et sœurs, car zot aussi pas pou capave oublier toi, mo bien-aimée. Couma ene maman capave oublié ene partie de so la chair ! Mo demande toi, juste pou content to mari, de vivre pou li et être heureuse à coté de li.

ORGANISATION ENE MARIAGE

Ki sanlà ki na pas rêver pou faire ene joli mariage pou so zenfant ? Comment faire et ki bizin faire pou ki sa mariage là bien réussi ?

Li ene grand jour dans la vie ene dimoune ki pou fonde ene foyer. A chaque fois tous bane parents pose même question et chaque nouveau, nouvelle mariée ena zot aussi zot propre vision du mariage.

Quand nous invités fine réuni, eski la musique nécessaire la veille ou jour mariage ? Eski li nécessaire ki nouvelle mariée là mette robe blanc, porte voile ou couronne ou mette costume européen, coupe gâteau, faire échange l'alliance ou la mariée embrasse nouveau marié dans la salle devant tout le monde. Ena beaucoup question sans réponse, pas réponse ki nous pé attane.

Bizin limite nous bane action.

Ki nous bizin penser quand nous marié nous zenfant? D'abord nous appartenir a la Jamaat Ul Sahih Al Islam, nous bizin tenir compte limite nous bane actions. Pou sa nous bizin prend compte bane traditions du Saint Prophète (saws) lors mariage, ensuite accorde ene attention particulière lors conseil du Messie Promis (a.s).

Le Mariage Et La Famille Dans L' Islam

La musique pas empêcher mais bane paroles indécentes ou grossier capave amène zot pense mauvais kitchose. La musique pas pareille couma l'époque Saint Prophète (saws). Comment nous pou faire tradition et modernité marche ensemble? Nous bizin pas oublier ki tous excès et liberté capave faire l'effet contraire.

En Islam péna couleur obligatoire.

Bane catholique quand zot marier zot mette robe blanc ki signifie la virginité. Eski nous bizin faire couma zot ? Si couleur blanc obligatoire pou nouvelle mariee alors nous pé faire erreur. Dans l'islam péna couleur obligatoire ou indispensable. Le Saint Prophète (saws) fine empêche nous imite les autres nations. Li normal ki pou ene mariage, blanc important pou catholique, jaune pou hindou, mais pou nous musulmans li pas pareil. Pou bane les autres kitchoses aussi pareil, e.g. voile couronne etc... Quand nous acheter ene robe la mariée à l'Européen nous acheter tous séki alle ensemble, sa veut dire ene mariage catholique.

Quand nous cause robe nous bizin pas oublier Pardah. C'est-à-dire, Orni et Chadar. La mariée pas bizin laisse trouve forme so le corps. Orni nécessaire pou couvrir la tête avec poitrine.

Li pas ene rite Islamique quand la mariée embrasse le marié.

Ki li ouler ou non, li ene question de coutume, pudeur et choix. Toujours d'après principe *Pardah*, li pas coutume Islamique ki le marié embrasse la mariée. Embrasser c'est un signe d'affection entre mari et femme et un geste ki bizin faire dans l'intimité. En plus bane pratiques catholique parmi bane nouveaux mariés li défende pou bane musulmans. Ena aussi les autres choses ki contre bane principe Islamique ki nous pas bizin faire.

E.g accompagnes ene futur beau-frère ou gendre jusqu'à la place d'honneur. Passe bague aussi li pas ene rituel musulman car nous bizin seulement faire '*Nikah*' bien couma bizin.

Azordi filmer ene mariage lors vidéo fine vine kitchose habituel. Mais nous bizin pas oublier droit nous bane invité, droit Pardah ; donc le filmage et bane cameramen dérange zot intimité.

Si nous tolère la présence du '*marié*' dans ene l'assemble de femmes, tout présence masculins et étrangers bizin éviter, au moins pendant les temps ki bane l'invité prends pou prend zot dispositions. Honore bane invités c'est aussi ene devoir sacré.

Chawtari c'est ene pratique hindou.

Ena l'autre kitchose ki fine emprunter à les autre cultures, comme '*Chawtari*' ki ene pratique hindou et alors li pas islamique ditout parce ki seulement le '*Walima*' ki

Le Mariage Et La Famille Dans L' Islam

mentionner dans bane traditions couma 'Sounna' du Saint Prophète (saws). Li malheureux ki de nos jours, bane musulmans donne plisse l'importance 'Chawtari' au lieu de Walima, dans ene telle grade ki zot fer 'Chawtari' mais zot pas fer 'Walima'.

BANE MODALITÉS D'ENE MARIAGE

L'attrance réciproque entre ene homme et ene femme capave conne bane bon aspects positifs et profitable, si li bien organiser. De l'autre coté, li capave être négative et désastreuse si li alle vers l'anarchie (alle contre bane la loi islamiques) et libertinage (mauvais la vie).

Dans Quran, nous trouver ki li ene action sans aucun morale quand sa plaisir ki pé acquérir la, li ene produit adultère. Sa plaisir là, li bizin présider d'ene mariage légal, officiel le moment ki li peu trouve parmi bane principes de règles. Sans sa liens légale ki unir ene homme et ene femme, alors bane humains pour considérer couma bane z'animaux.

A la base d'ene famille, mariage maintenir ene facteur important ki oblige ene couple assume so bane responsabilité. De coté homme là, ena ene sentiment de devoir ki li ressenti envers so femme. Ena le même sentiment de coté femme là aussi. A cause mariage li ene responsabilité et ene prévention, alors Islam invite bane jeunes pour marier, d'ene façon pour satisfaire zot bane désirs légalement. Et aussi pour vine bane dimounes responsables dans la vie.

Dans ene Hadith le Saint Prophète (saws) fine dire ki tout bane jeunes ki capave marier, bizin faire li.

Alors zot bizin choisir ene épouse vertueuse. Bizin mette l'emphase lors le fait ki Islam accorde ene grande importance lors choisir ene épouse, car c'est lors li même ki repose responsabilité de l'éducation bane zenfants.

Marier bane célibataires entre zot et bane dimounes de bien parmi zot esclaves, hommes et femmes. Si zot pauvres, Allah pour rendre zot riches par So grâce. Car Allah So la grâce Li bien grand et Allah Li Omniscient (Li conne tout).

Dans Hadith ki fine citer plus là-haut, nous lire : « *Nous marier ene femme pour quatre raisons : Pour so fortune, so noblesse de sentiment, so beauté, et so piété.* »

Mo dire et mo pou ré-dire encore commié fois ki nous bizin mettre plisse l'emphase lors sa quatrième raison là. Premier pas ki ene missié bizin faire, quand li pé cherche à marier, li bizin chercher ene épouse vertueuse avec ki li pas pour rencontre bane problèmes inutile, ki pas peur capave résoudre et ki plusieurs couples plaigner.

Le Mariage Et La Famille Dans L' Islam

Quran décrire sa qualité madames là :

« Bane femmes vertueuse zot obéissantes (à zot maris), et protège ce ki bizin protéger, pendant ki zot maris pas là, avec protection Allah... » (4: 34)

Le Saint Prophète (saws), li décrire : *« Celle ki réjouir toi quand to guette li, ki obéir toi quand to sollicite li et ki pas faire de li-même ou de ses bien ce ki répugne toi. »*

LE BUT DU MARIAGE DANS L'ISLAM

Ene musulman pas capave prend mariage à la légère par pure fantaisie. Allah fine ordonne mariage à bane croyants pour trois raisons de base.

Et c'est :

1. Pour permettre ene missié et ene madame pour vivre ensemble et conne l'amour et joie dans bane limites la loi Islamiques.
2. Pour procréer bane enfants, et donne zot ene environment stable et vertueux pour zot l'éducation.
3. Pour faire ene union légale afin ki capave sauvegarde la société depuis ene dégradation morale et sociale.

Deux premiers raisons là li évident ; tous les deux zot prend en considération bane désirs naturels bane êtres humains. La troisième raison alle plus loin et démontre le mariage ki li ene outil plus important pour crée ene société idéale.

Comment mariage là capave accomplir sa ?

Premièrement, nous bizin comprend ki ene de bane valeur morales plus important dans l'Islam, c'est la chasteté, c'est-à-dire la pureté d'ene personne et de la société en général.

Islam guette le mariage comme ene moyen par ki bane désirs naturelle et bane besoins physique et emotionelle, li maitrisé et satisfait en même temps. Satisfaction ene désir physique sans contrainte pas permette dans l'Islam. L'adultère et fornication zot bane péché grave.

Li pas permettre à ene musulman pour satisfaire so bane désirs charnels avec n'importe ki madame; li bizin faire li en passant par ene contrat mariage légal, ki implique aussi so bane devoirs et responsabilités envers so famille et so enfants pour le reste de so la vie.

Le Mariage Et La Famille Dans L' Islam

Sa restriction là so resultat li ene création d'ene société kot bane valeur morales protégé. En fait, le Saint Coran mentionne le contrat du mariage (*Nikah*) par mot '*Insan*' ki veut dire forteresse.

Ene homme ki marié, li ene '*Muhsin*' – C'est-à-dire quelqu'un ki fine arrange ene forteresse. La madame ki marié avec li, li ene '*Muhsina*' ki veut dire ki li rentre en protection dans sa fort là pour protégé li-même et pour sauvegarde zot moralité.

LA DOT

L'homme bizin prend soins de so madame et protégé li. En plus dans l'Islam, li obligatoire pour li donne ene somme d'argent à madame là comme ene gage de reconnaissance pour so rôle marital.

La femme ena choix pour renonce à ene partie ou montant totale de somme d'argent là avec so libre consentement. Si, toutefois dans l'avenir, mari là envie renouveler sa demande concernant dot là, alors bizin donne li la totalité sa somme là. Sa principe là protégé tout madame ki ti contrainte pour renonce à so dot par so mari.

« Puis, même si ou pé jouir zot, donne zot, zot 'Mahr' comme ene chose ki ou doit. » (4: 25)

« Et donne ou épouse so 'Mahr' de bonne grâce. Si volontairement li donne ou quelque choses, accepter avec aise et bon cœur. » (4: 5)

La dot bizin élever entre six et douze mois salaire totale du mari (*c.à.d, ki montant de sa somme la bizin situer entre six mois de salaire minimum et douze mois salaire maximum, taxe pas inclus*).

Bane ki promette bane grosse somme pour la dot dans ene but pour impressionner, et zot pas garde zot promesse, commettre ene péché.

Bane compagnons du Saint Prophète (saws) ti ena ene coutume pour paye zot dot en avance. Dot là li constitue en fait ene dette du mari envers so madame.

Dot ki le Saint Prophète (saws) ti pé donne à so bane madames pas ti dépasse jamais 12 '*auqiyas*' (ene valeur à peu près 3 Livres Sterling).

Le Saint Prophète (saws) dire : *« Bénie est sa l'union ki établi facilement, ki pas ena aucaine difficulté, li bizin pas entraine ene fardeau de dépense, ni dot là bizin élever à ene somme ki dépasse bane moyens du mari. »*

SOBRIÉTÉ DE LA DOT

La dot li parmi ene des bane raisons ki empêche bane jeunes de marier, la famille de la mariée ki exiger lors la dot, ki parfois impossible pour satisfaire sa demande là et décourage beaucoup bane ki pé demande la main bane ti fille en mariage.

Dans l' Islam, fine faire la dot d' ene chose ki pas exige ene tel sacrifice. Dans ene Hadith, le Saint Prophète (saws) ti donne en mariage ene madame à ene missié ki péna nannié. So dot ti ene récitation de quelque versets de Quran.

Rapporté aussi kan le Saint Prophète (saws) ti donne so ti fille Fatima à so cousin Ali, li ti dire li : « *Donne li ene kitchose !* » Ali réponde: « *Mo péna nannié, O Messenger d'Allah (saws).* »

Le Saint Prophète (saws) dire li: « *Kot to l' armure? Amène li et donne li.* »

VERSION CRÉOLE DE SERMON EN ARABIC PRONONCÉ PAR LE SAINT PROPHETE (SAWS) A L'OCCASION ENE MARIAGE MUSULMAN

Tous louanges pour Allah, nous faire So éloge, nous implore So aide et demande So Clémence ; nous croire en Li, et nous mette nous confiance en Li, nous cherche la protection d'Allah contre bane mauvais penchants de nous l'âme et bane mauvais conséquences de nous bane actions. Celui ki ena Allah comme guide pas capave égarer et celui ki égarer pas pour trouve bane guide. Et nous attester ki péna personne ki bizin adorer à part Allah. Li Unique, Li pas ena partenaire et nous attester ki Muhammad (saws) So serviteur et So Messenger.

Et sa li suivre par la récitation de sa bane versets du Saint Coran là :

- O hommes ! Craindre Allah ki fine créer ou d' ene sel être et fine créer ou compagne, et ki de sa deux là, fine produire beaucoup hommes et femmes ; craindre Allah au nom de Ki ou fer appel ene à l' autre, et craindre Li surtout en séki concerne bane liens de parenté. En vérité, Allah surveille ou. (4: 2)
- O bane croyants ! Craindre Allah, et dire bane paroles francs. Li pour réforme ou conduite et pour remettre ou de ou péchés. Et celui ki obéir Allah et So Messenger pour gagne surement ene grand succès. (33: 71-72)
- O bane croyants ! Craindre Allah et ki chaque l'âme occupe séki li envoie en avant pour le lendemain et craindre Allah ; en vérité, Allah Li bien renseigner lors saki ou faire. (59: 19)

LA CÉRÉMONIE LORS MARIAGE ISLAMIQUE

Plusieurs conditions fine requise pour ki ene mariage vine légale :

1. L'homme et la femme bizin volontairement d'accord pour mariage là avant so célébration
2. Mariage la bizin faire en public, avec deux témoins de chaque coté ki présent dans cérémonie là. L'Islam pas permettre bane mariage en secret.
3. Le futur marié et tuteur future marié là bizin présent au *Nikah*. Future marié/mariée là capave pas bizin présent au *Nikah*.

La dot (*Mahr*) li ene présent obligatoire ki mari là bizin donné à madame là. (4: 25).

Sa somme là bizin proportionné lors moyen financier du mari. La somme du *Mahr* li annoncé pendant la cérémonie du mariage. Capave offert li en totalité ou en plusieurs tranches. Ene fois ki fine donne li, li vine ene propriété exclusive pour madame là, et li capave dispose li comment li envie.

Cérémonie mariage là bizin faire par ene autorité Islamique légale ; li capave ene missionnaire ou ene président du Jamaat. Procédure pour cérémonie religieuse là bien simple. Ene fois ki bane formulaire pour mariage fine rempli et ki *Nikah* li fine prononcer publiquement et en présence bane témoins, contrat là vine légale.

Personne ki pé dirige *Nikah* là, li récite le sermon du *Nikah* ki le Saint Prophète (saws) ti réciter et demande consentement les deux partis. Et sa li suivre par ene la prière collective.

Couple là bizin gagne ene permis de mariage ou ene l'autre autorisation ki dépende la loi ki en vigueur dans zot pays.

D'après traditions (Sunnah) du Saint Prophète (saws), li ti incombe à marié là pour donne selon so moyens ene réception (*Walima*) après le mariage pour célébrer consommation mariage là.

Li nécessaire pour recevoir bane dimoune kot zot, et li déconseiller pour faire bane extravagance ki faire à l'occasion d'ene mariage.

LE REPAS DE NOCES

Pou annonce ene mariage, Islam recommande fortement, pou organise un grand repas. D'après Anas, le Saint Prophète (saws) consomme le mariage avec ene de so épouses et demande lu pou réunir bane dimounes à ene repas.

Anas dire, ki dans le Saint Prophète (saws), dot de so épouse Safiyah consistait en so affranchissement; repas de noces ti composer de dattes mélanger et pétrir li dans du beurre, du lait caillé et avec ene ti pé la farine.

Li dire aussi : « *Le Saint Prophète (saws) pas fine faire aucun repas de noces de so bane madames couma li fine faire pou Zainab. Li ti consister d'ene mouton.* »

Ce ki l'islam désapprouve, c'est ki invite juste bane dimounes riches et rejette bane dimounes pauvres à sa repas là. Le Saint Prophète (saws) fine dire à sa sujet là : « *Pli mauvais de bane repas est celui kot invite juste bane riches et rejette bane pauvres* ».

Islam désapprouve aussi gaspillage, vantard et vanité ki certaines dimounes afficher pou montrer zot richesse. Au lieu de sa, bane riche fine recommander par l'islam pou aide bane dimounes ce ki en besoin d'argent ou en difficulté lors ce ki zot pou marier.

Selon Buraidah, quand le Saint Prophète (saws) ti demande à Ali pou préparer ene repas pou so mariage de so ti fille Fatima, Ali ti gagne l'aide de plusieurs compagnons, ki ti apporte li ene mouton et semoule.

Quand à bane invités, zot recommander pou dire le mariée !

« *Ki Allah béni zot et réunir zot dans le bien* ».

Zot bizin faire ene de sa trois vœux là pou bane mariés et zot famille :

1. « *O Allah, donne zot To grâce, sois pardonnable envers zot et accorde zot To bénédictions* ».

2. « *O Allah, nourri celui ki fine nourri moi et donne boire celui ki fine donne moi à boire* ».

3. « *Bane vertueux fine mange to nourriture. Bane anges fine adresse toi zot prières et bane ce ki fine jeûné fine consomme zot jeûne kot toi* ».

DEVOIRS ET RESPONSABILITÉ ENE HOMME MARIÉ

1. Li bizin respecter so madame et bizin attentive à so bane emotions.
2. Li bizin ene source de confort pour so madame et li bizin conduire li ene façon pour persuade li ki li tous seule li centre de so l'amour et affection.
3. Li bizin capave répondre à so bane demandes raisonnables selon so moyen et bizin disposer pour dépenser dans sa chemin là avec joie.
4. Li bizin subvenir à bane besoins financiers so familles et aider dans bane travail ménagères.
5. Li bizin soucié la santé so madame.
6. Li bizin évite surveillance bane moindres faits et gestes de so madame; li bizin méfier de sa sinon li pour rendre so la vie misérable.
7. Li bizin toujours disposer pour pas prend compte moindre faiblesse de so madame et bizin prêt pour oublier et pardonner.
8. Li bizin faire attention ki bane soupçons pas amène à ene situation ki vine bane menaces de divorce et séparation.
9. Li bizin évite tous bane actions et paroles ki pour déplaire ou pour cause bane douleur à so madame.
10. L'époux bizin montrer sympathie envers so madame quand li dans ene l'état de tristesse ou quand li vine ene proie de malchance.
11. Li bizin pas empêche so madame rencontre so bane proches sauf si quelqu'un fine cause li du tort. Li bizin aussi respecté zot.
12. Li bizin consulter so madame dans tous décisions importants ki concerne so famille et bizin affronte situation là couma fine convenue par tous les deux.
13. Si li ena plus ki ene épouse, l'époux bizin traite zot dans ene façon égale. Li bizin subvenir à zot besoins, comment fine enseigner par le Saint Coran et le Saint Prophète (saws) et faire de sorte ki zot épouses contente.

DEVOIRS ET RESPONSABILITÉS ENE ÉPOUSE

1. Li bizin occupe confort de so mari, le respect et surtout pas blesse so sentiment.
2. Li bizin préserve l'honneur de so mari et pas recevoir ene homme étranger kot li dans l'absence so mari.
3. Li bizin veille lors bane bien de so mari.
4. Li bizin élever so enfant convenablement.
5. li bizin traite bane proches de so mari avec attention.
6. Li bizin faire li joli pour so mari.
7. Li bizin conne goût vêtements et manger de so mari.
8. Li bizin préoccupe li de la santé de so mari.
9. Li bizin donne bane bon et sincère conseil à so mari, si li consulter li pour so bane problèmes.
10. Li bizin pas faire bane demande extravagantes ki dépasse moyen financiers de so mari.
11. Li bizin reste loyale envers so mari, même si mari là pé vivre ene moment difficile ou de gloire.
12. Li bizin faire attention pour pas nuire réputations so mari par so comportement ou actions.
13. So conduite bizin ene source de paix et de tranquillité dans la caze.

LE PARFAIT EXEMPLE

L' Islam enseigne nous ki le but principe dans la vie ene musulman c'est adore Allah et consacrer ou pour cherche So l'amour. Li naturel ki ene homme content Allah et cherche So l'amour car sa l'amour là ti enraciné dans so l'âme avant même so naissance.

Bane musulmans récite azaan dans oreille droite de sa enfant ki née là. Ainsi, depuis le début même, enfant là li subconsciemment attirer à la vérité et à la beauté du Créateur. Mais couma pour faire pou garde sa objectif là en vue quand nous engager dans bane activités de tous les jours ?

Quand bane affaires mondaines préoccupe nous, li apparemment difficile pour maintenir niveau de spiritualité requise pour gagne plaisir d'Allah.

Allah Li-même fine donne à l'humanité le moyen pour realise sa. Fine révélé à travers le Saint Coran au Saint Prophète (saws). Allah fine élève li à ene statut du 'Guide Parfait' et couma ene enseignant de la loi coranique pour tous peuples jusqu'à la fin des temps.

Hazrat Mohammad (saws) fine laisse nous ene telle exemple par lequel l'humanité capave exprime so l'amour pour so Créateur dans tous so plénitude pour gagne le plaisir d'Allah.

Péna meilleur modèle pour nous dans nous quotidien ki la vie exemplaire et le caractère parfait de 'L'homme Parfait' (33 :22).

Donc, li très important pour so l'éducation, ki ene musulman étudier la vie et bane traits de caractère du Saint Prophète (saws). Li pas exister ene situation dans nous lavie kot le Saint Prophète (saws) fine donne ene conseil sans intérêt.

Ene musulman ki pratique l' Islam est celui ki en contact spirituel avec le Saint Prophète (saws) continuellement. Li prier couma li et enseigne so enfants bane valeurs morales par bane Hadiths ki li cite zot. Li saluer so bane compagnons avec bane salutations du Saint Prophète (saws) et nuit et jour li supplier Allah pour envoye so bénédiction lors le Saint Prophète (saws) et lors so compagnons.

BON COMPORTEMENT

Islam recommande ene bon comportement envers bane madames. Le Saint Prophète (saws) dire : « *Celui ki ena la foi plisse parmi bane croyants et bane meilleur entre zot, c'est celui ki comporte zot bien avec zot madames.* »

Le Saint Prophète (saws) li ene meilleur exemple en sa matière là. Li comporte li d'ene façon admirable envers so bane madames. Rapporté ki ene jour li ti dispute avec Hazrat Aïsha et le papa d'Aïsha (Abou Bakr) ti obliger agir couma l'arbitrage.

Le Saint Prophète (saws) dire à Hazrat Aïsha : « *Causer si to envie ou sois laisse moi causer* ». Hazrat Aïsha répond li : « *Causer toi avant et dire juste la vérité !* »

Hazrat Abou Bakr fine en colère et fine donne Hazrat Aïsha ene calotte, tellement fort ki so la bouche ti saigner, et so papa dire li : « *Eski li pas dire juste la vérité, insolente.* » Effrayé, Hazrat Aïsha gagne peur et alle derrière le Saint Prophète (saws). Le Saint Prophète (saws) dire Hazrat Abou Bakr, « *Nous pas ti appelle toi pour sa, O Abou Bakr !* »

Kan bane remarques de so jeune épouse Aïsha cause de la peine, le Saint Prophète (saws) conne garde so sang-froid et so calme ; laisse tempête là passer. Le Saint Prophète (saws) dire souvent avec Aïsha : « *Mo conner quand to en colère avec moi.* »

« *Couma ?* » Aïsha dire li « *Au lieu de dire par le Dieu de Mohammad ; to dire : « Par le Dieu d'Ibrahim* » le Saint Prophète (saws) fine réponde.

Bane ce ki ena ene caractère fort capave garde so calme lors ce ki kot vine victimes bane disputes entre mari et femme. A cause sa même souvent bane hommes vine violent et fini souvent devant bane tribunaux, avec les divorces et douleur morale kot bane zenfants.

Comportement de Saint Prophète (saws) envers so bane madames reste fidèle à la ligne d'ene conduite nécessaire pou bane jeunes couple ki désire la paix dans zot l'union et ene l'entente.

Aïsha rapporté ki Saint Prophète (saws) ti toujours au service so bane madames ; juste quand ti pé arrive l'heure de la prière, ki li ti pé alle Masjids.

Ce ki li bon encore, c'est so l'amour et so fidélité pou so premier madame, Khadtija, femme ki li fine soutenir li dans premier temps de so révélation. Li fine ena toujours vitalité même après la mort de so madame (Khadtija).

Aïsha dire ki jamais li pas ti jalouse d'ene femme couma li jalouse de Khadtija. Tous sa là vine de ce ki bane pensées de Saint Prophète (saws) retourne souvent à so madame et

Le Mariage Et La Famille Dans L' Islam

quand li ti pé égorge ene mouton, li pas ti pé oublier envoye so (Khadtija) bane camarades.

C'est-à-dire à ki point sa comportement d'ene mari pou so madame li admirable et digne de louanges.

RELATION ENTRE LE MARI ET LA FEMME DANS LE MARIAGE

Ici aussi, nous constater ki Islam donne ene code de conduite dans chaque aspect de la vie familiale. Rôle du mari et de la femme li clairement défini de sorte ki chacun conner exactement c'est ki nous attane de zot.

D'après bane enseignements Islamique, mariage li ene association à part égale entre deux dimounes à travers laquelle zot capave gagne le plaisir d'Allah par la coopération mutuelle, la confiance, le respect et loyauté.

Si nous ene partenariat réussi, nous bizin suivre bane conseil ki Allah fine donner et li comme suit : Dans le mariage, chaque partenaire bizin attribuer ene rôle particulier.

Allah dire : « *Li dire, Notre seigneur est celui ki fine donne à chaque chose so forme convenable, et guide zot ensuite dans zot fonction convenable* ». (20: 51)

Puisque l'homme li physiquement plus fort que la femme, et à cause so bane capacité psychologique plus grand, c'est li ki bizin travail pour soigne so famille.

Dans même façon, la femme aussi li psychologiquement et émotionnellement plus apte pour gagne bane enfants. Donc, li so responsabilité pour bien élever zot enfants et entretenir zot la caze. Pour ene bonne marche de sa partenariat là, quelqu'un bizin en charge. Allah fine nomme le mari comme le tuteur de la femme (4: 35). Sa pas donne li aucaine droit maltraite ou pour domine li. Sa veut dire simplement de bien-être de so madame et ki li so devoir pour dépense de so revenu lors so famille. En retour, so madame bizin obéir li, et pou ki ene bon relation entre mari et femme, respect et coopération bien importants.

Allah dire : « *Bane madame c'est ene vêtement pour zot, et zot bane vêtement pou bane madames ...* » (2 :188)

Nous porte bane vetement pour protégé nous, pour faire nous joli et pour cachette bane défauts de nous les corps. Sa même façon ene homme et so madame bizin protégé zot mutuellement en ce ki concerne zot l'honneur et zot moralités.

Le Mariage Et La Famille Dans L' Islam

Zot bizin agir ene telle façon ki zot partenaire senti zot avec certitude de zot amour, de zot supports et de zot compréhension. Chaque conjoint bizin garde secret de l'autre. Bizin pas révèle zot faiblesse en public.

Le Saint Prophète (saws) ti bien concerné par le bien-être de bane madames. Li ti pé conseil constamment so bane suivants pour traite zot épouses avec gentillesse ; so propre conduite envers so bane épouses ti donne sa l'exemple parfait ki bizin.

A ce propos, voici quelques hadiths:

1. Le croyant plus parfait en ce ki concerne la foi est celui ki ena ene meilleur comportement et le meilleur d'entre zot c'est celui ki comporte zot mieux envers so épouse.
2. Ene musulman bizin pas ena rancœur contre ene madame musulmane. Si li détester ene qualité avec li, capave ki ena ene l'autre qualité ki pou plaire li.

DU MARIAGE À LA FAMILLE

L'ordre spécifique designer pour sécurité ene mariage et bane familles contre bane dangers c'est :

« Dire (O prophète) à bane croyants pour retenir zot regards et préserve zot parti intimes, sa li plus pure pour zot. Assurément, Allah Li bien au courant c'est ki zot faire. Et dire à bane croyantes pour retenir zot regards et veille lors zot parti intimes, et zot pas bizin expose zot beauté naturelle et zot vêtements, excepter c'est ki apparent lors zot, et zot bizin couvert zot poitrine avec zot Orni et zot pas gagne droit expose zot beauté naturelle et zot vêtement excepter à zot mari ou à zot papa ou papa et zot mari, ou à zot garçon ou bane garçon de zot mari, ou à zot frères ou bane garçon de zot frère ou bane garçon de zot sœur, ou à bane femmes musulmanes ou c'est ki zot la main droit possède ou bane serviteur male ki dépourvu de bane méchanceté ou bane jeune enfants ki pas encore en aucaine conscience lor bane partis intimes de bane femmes. Et zot pas marche ene telle façon pour révèle bane aspect de zot beauté ki normalement cachiette. Et tourne zot vers Allah tous ensemble, O croyants, afin ki zot capave réussir. » (Al Noor 24: 31-32)

Sa c'est ene code complet de bane comportement sociale et tenue, ki si ou suivre li sincèrement et strictement pour assure ou la sainteté dans le mariage et la stabilité dans la famille.

Sa contrainte imposer là, li identique dans le cas bane hommes et bane madames, ene garantie supplémentaire dans l'intérêt de tous les deux car c'est zot ki fine placer par

Le Mariage Et La Famille Dans L' Islam

bane qualités additionnelle. Mais ena beaucoup les autres facteurs ki fonctionner dans bane rapports conjugal ki considère bane homme et femme et bizin ena plus protection et attention de coté bane hommes.

Ene parti là-dans zot dérivé de zot fonctions respectives et dans bane domaine de zot activités. Dans l'attente de maternité et après sa dignité sacré là, ene madame li ena droit à certaine privilège, exemption et ene degré d'attention supplémentaire et sa bizin ene devoir pour donner de la part de mari là. Et aussi dans bane circonstance normale, le domaine d'activité de bane maris c'est zot bureau, atelier, usine, législatif etc. Le plus grand parti de sollicitude, soin et attention de bane madames li demander par zot enfants et zot la case. Sa situation là, dans bane temps récents fine placé avec bien peu d'avantage et avec bane dommages à bane valeurs favorable.

Ena bane madames ki ena tendance pour faire li vine ene profession lors zot la case et lors soigner et grandir bane enfants. Mais ena les autres ki faire sa choix là par bane obligation sous pression économique et nécessité. Mais l'Islam le désapprouve le premier et cherche à remédier le second.

Ene position de grande dignité et d'honneur fine attribué à bane parent, spécialement à bane mamans :

« To seigneur fine ordonner ki pas adore l'autre à part Li et ki ou montrer la bonté envers ou parents. Si ene d'entre zot deux ou tous les deux fine atteigne la vieillesse avec toi, pas dire zot jamais aucaine parole ki exprime le dégoût, ni ou faire aucaine reproche, mais adresse avec zot avec tendresse. Et abaisse pour zot l'aile de l'humilité avec tendresse et dire : 'Mo seigneur, gagne pitié pour zot car zot ti soigne moi dans mo l'enfance.' » (17: 24 25)

« Et nous fine recommande à bane hommes la bienveillance envers zot parents. So maman ti porte li avec douleur et fine mettre li au monde avec douleur. Et so gestation fine prend trente moi jusqu'à ki li arrive à son plein maturité et fine arrive à l'âge quarante ans et li dire : 'Mo Seigneur, donne moi capacité pour mo reconnaissant pour To grâce ki To fine accorde moi et aussi à mo parents et ki mo faire bane bon travail ki pour plaire Toi. Et faire mo descendants pieux pour moi. Mo tourne certainement vers Toi et en vérité mo parmi bane ki soumettre à Toi.' C'est sa bane là ki Nous accepter zot bane bonne actions ki zot fine faire et Nous pas prend compte zot bane mauvaises action. Zot pour parmi bane hôtes du jardin ki pour accompli zot vrai promesse ki zot fine faire. » (46: 16-17).

Le prophète dire : *« Paradis trouve sous li pied maman. »* Quand quelqu'un ti pé demande li ki dans so famille ti mérite plus so soin et attention, li répondre : *'to maman'* et ene dimoune fine demander après so maman et li répondre *'to papa'*.

Le Mariage Et La Famille Dans L' Islam

Ene missié ti vine cote li et li demande li permission pour alle ene place (Jihad). Le prophète fine demande li si so parents encore là même. Li fine dire oui et le Saint Prophète fine dire li, occupe toi-même en prenant soin de zot, li pour équivalent de to service militaire.

Dans ene l'occasion li fine observer : « *Malheureux est celui ki so parents fine vieilli et li pas fine gagne paradis.* »

Pour ene maman, so enfant c'est du sang de so du sang et la vie de so la vie. Sa accord mystérieux ki lier zot deux là, même si li invisible, li pas juste pour sa la vie là. Ene maman li pas pou transfère so la joie ou privilège pour soigne zot enfants à bane baby-sitters ou bane les autres dimounes excepter par bane nécessité inévitable.

En ce ki concerne bane nécessité économique, sa nécessité pour faire provision pour maman et enfants là, li responsabilité système économique Islamique et so missié. Si madame là ena moyen li capave prend le responsabilité, mais li pas obliger.

« Et pas convoite bane choses par ki Allah fine faire certain parmi zot surpasse les autres. Bane hommes pour recevoir ene part de c'est ki zot fine gagner et bane madames pour recevoir ene part de c'est ki zot fine gagner. Et demande à Allah So générosité. Assurément, Allah ena ene parfaite connaissance de tout kitchose. » (4: 33)

Mais li obligatoire pour ene homme pour fournir sécurité et protection et pour faire provision bane besoins de so famille.

Le mari ou papa là bizin le gardien à cause so la force physique supérieur et li bizin ena contrôle lors bane dépenses :

« Bane hommes zot gardiens bane madames parski Allah fine faire ki ena surpasse les autres et parceki zot dépense de zot bien. » (4: 35)

Bizin ena réconciliation si ena bane divergences ki vine grave et ki persister et si ena violation.

« Si ou craigne ki ena ene rupture entre zot, alors désigne ene arbitre dans famille madame là, si zot désire ene réconciliation, Allah pour realise sa réconciliation là entre zot. Assurément, Allah Li Omniscient et Li Conscient de tout. » (4: 36)

Pour permettre à ene mari pour faire face à bane obligations financière en connection avec le mariage, part d'ene homme en héritage li deux fois ki pour ene madame, excepter dans cas ene maman et ene papa, kot la plupart du temps zot part égale. » (4 :12)

L'ISLAM PROTÈGE LA FAMILLE

La famille occupe ene place important dans la société et à cause de sa l' Islam accorde ene grand l' importance à so stabilité et l' équilibre. Sépare ene couple sa c' est li considérer comme ene grand crime dans l' Islam.

Dans ene Hadith, le Saint Prophète (saws) pé dire ki action ki faire satan plisse content c' est sépare ene missié avec so madame. Par sa nous trouver à ki point l' Islam mette l' emphase lors solidité liens ki unir ene couple. L' Islam pas admette nannié ki capave divise ene couple.

Ene famille li commencer avec ene homme et ene femme. C' est lors zot épaules même ki tout bane affaires familiales reposer.

Allah dans Quran dire : « *O bane hommes, Nous fine crée zot d' ene male et d' ene femelle, et nous fine faire zot vine bane nations et bane tribus afin ki zot capave reconnaître zot entre zot même.* » (49:13)

Pour construire ene famille bizin ena bane fondement, bases solides et bane racines nobles. Le Coran insister lors l' honorabilité et bon l' éducation bane époux. Le Saint Prophète (saws) fine dire ki si ene missié demande la main ou tiffille et ou satisfait de so l' éducation, alors accepter so demande, et li dire même zaffaire pou ene femme.

Ena quatre raison ki ene missié considère quand li choisi so épouse.

- 1) So fortune
- 2) So noblesse
- 3) So beauté
- 4) So pitié

Nous bizin absolument mette plis l' emphase lors sa quatrième raison là.

Quran dire :

« *Bane mauvaises femmes zot pou bane mauvais hommes et bane mauvais hommes pou bane mauvaise femmes. De même, bane bon madames pou bane bon missiés et bane bon missiés zot pou bane bon madames. Sa bane là, zot innocent de sa ki les zot dire, et pou zot ena le pardon et ene récompense généreuse.* » (24: 26)

L' Islam considère ki l' honorabilité et bonne éducation nécessaire pour forme ene couple. Pou sa ena l' exemple de la fille du prophète Shouaib, ki ene jour li dire so papa pou allier li à Moise parski li ti trouve bane qualité admirable dans li.

Le Mariage Et La Famille Dans L' Islam

Ene ti fille là li dire Shouaib engage Moïse et donne li ene salaire, parceki meilleur dimoune pour engager c'est quelqu'un ki fort et ki capave faire li confiance.

D'autre parts, Hazrat Khadija (ra) ti demande le Saint Prophète (saws) en mariage parski li ti trouve bane bon vertus et bane excellent qualité morales dans li. Ene couple quand li former dans sa façon là, li vine ene noyau solide dans la société. Et bane enfant ki née de sa couple là, zot gagne ene environnement sain pour ene développement sain et équilibrer.

Bane parents zot responsable pour l'éducation zot enfants. Et l'Islam li concerner pou sa l'éducation là, et sa avant même zot née. Donc, choisir ene époux honorable li contribué beaucoup pou bon l'éducation bane zenfants.

Le Saint Prophète (saws) fine dire ki ene homme li le berger et li responsable de so troupeau. Tandis ki la femme li la bergère dans la case so mari et li pou responsable so troupeau. Dans la famille, parents, enfants chacun ena zot obligation et zot droit ki l'Islam fine prescrire.

L'Islam recommande bane parents pour prend soin l'éducation zot enfants parceki lors l'éducation même ki zot salut éternel dépanne.

Quran dire : « *O zot ki fine croire ! Préserve zot-même et zot familles contre ene ti feu ki so combustible c'est bane dimoune et roches.* » (66: 6)

L'Islam exhorte bane croyants pou demande l'aide avec Allah pou zot satisfait de zot famille.

Quran dire : « *Et bane ki dire : 'Seigneur donne-nous, nous bane madames et nous bane descendants, la joie des yeux, et faire nous vine ene guide pou bane ki pieux.'* » (25 :74)

D'après l'Islam ene progéniture ki mal éduquer et mal-guider capave vine ene source de beaucoup de difficulté pou bane parents.

Quran dire : « *Quand au garçon, so papa et maman ti bane croyants ; mais nous ti peur ki li (garçon là) impose rébellion et mécréance lor zot.* » (18: 80)

Alors, tendresse et justice vis-à-vis enfant li important pour ki l'éducation vine efficace et porte so fruits. Ene Hadith dire : « *Peur Allah et montrer zot juste envers zot enfants.* »

An-Nouman Ibn Bashir rapporter : « *So papa ti amène li conne le Saint Prophète (saws) et li fine dire li : 'O Envoyé d'Allah mo demande Toi pou être témoin ki mo faire don de telle, telle chose de mo dibien à mo garçon.'* »

Le Mariage Et La Famille Dans L' Islam

Le Saint Prophète (saws) demande li : « *Eski to fine donne même zaffaire à to bane les autres enfants ?* » Li fine dire 'Non'. Alors le Saint Prophète (saws) fine dire li « *Alors prends ene lotte témoin à part moi. To pas ti ouler ki tous to zenfants égale devant toi ?* » Li fine dire 'Oui'. Alors le Saint Prophète (saws) fine dire li « *Alors pas faire sa, reprends tous ce ki to finne donne li ?* »

L' Islam insister lors l' amour et tendresse envers bane enfants. Ene jour ene dimoune fine dire le Saint Prophète (saws) : « *Mo ena zenfant et jamais mo fine embrasse ene là-dans* ». Le Saint Prophète (saws) guette li et dire li : « *Si ici ene dimoune pas montrer li tendre, alors dans l' au-delà li pas pou bénéficier tendresse Allah* ».

Meilleur l' exemple tendresse et l' amour envers bane enfants vine du Saint Prophète (saws) li-même. Li ti bien content Al-Hassan, et Al-Hussein, et souvent li ti pé jouer avec zot.

Abu Huraira rapporter : « Le Saint Prophète (saws) ti pé assise dans la cour kot so tiffle Fatima et li fine appeler : « *Eski to là zenfant, Eski to la zenfant ?* » Fatima fine retenir so garçon Al-Hassan ene moment et mo penser ki li ti pé mette ene grain collier are li, ou bien li ti pé lave li. Alors li fine vini vite, vite et mo fine trouve le Saint Prophète (saws) maille so li cou et fine embrasse li et li fine dire : « *(O Allah) Content li et content celui ki pou content li.* »

Sa montrer combien l' Islam veille à l' éducation et à l' équilibre psychologique bane enfants et en même temps assure zot l' amour et tendresse dans la famille.

De l' autre coté, l' Islam recommande bane zenfants ki quand zot vine adulte, pour obéir et respecter zot parents. Sa c' est ene règle du Quran :

« *Et to Seigneur fine décréter : 'Pas adore personne à part Li, et montrer bonté envers zot papa et maman, si ene ou tous les deux fine vine vieux, pas bizin dire zot « Ayo » (Uff) et pas agir rudement envers zot et adresse zot bane paroles respectueusement* ». Et par miséricorde, abaisse l' aile de l' humilité pour zot, et dire « *O mo Seigneur, faire zot, à tout les deux, miséricorde pareil couma zot ti élever moi quand mo ti petit.* » (17: 23-24)

Ene lotte verset dire : « *Nous fine commande à l' homme (la bien faisances) envers so papa et maman sa mène la porte (subir) li la peine lors la peine.* » (31 :14)

Le Saint Prophète (saws) fine dire so compagnons « *Eski zot envie mo dire zot ki trois péchés ki pli grand ?* » Zot fine dire : « *Certes oui, O Envoyé de Dieu* » ; « *C' est associer quelqu' un avec Allah* » La mauvaise conduite envers papa et maman, et là-dessus, li (saws) fine assiser, parceki li ti accouder. Li fine ajouter : « *et de proférer des mensonges* ». Li pas fine arrête répète sa bane mots la et nous fine dire « *Ti à bon li arrêter !* »

Respect envers bane parents li si important en Islam ki li recommander même à bane non-musulmans.

« *Et si tous les deux force toi pour associer Moi à bane quique chose ki to péna aucaine connaissance, alors pas obéir zot, mais reste avec zot ici-bas d'ene façon convenable.* » (31: 15)

Par ailleurs, Abu Bakr (ra) so tiffille, Asma fine dire : « *Mo maman fine vine guette moi alors ki li ti ene polythéiste (non-croyante) ; c'était l'époque kot bane Koraïchites ti signe ene trêve avec le Saint Prophète (saws). Alors mo fine consulter le Saint Prophète (saws) et mo fine demande : « Ala mo maman fine vini et li ena grand désir trouve moi. Eski mo capave recevoir li ? »*

Le Saint Prophète (saws) fine réponne : « *Oui, recevoir to maman* ».

Comment fine dire avant l'Islam, accorde ene grand l'importance à la famille et li encourage tout ce ki capave renforcer lien dans la famille. Par contre, l'Islam considère comme ene grand crime pour rompre bane lien de parenté.

Jubair ibn Mat'im rapporter ki li fine entende le Saint Prophète (saws) dire : « *Bane ki rompre lien de parente zot pas rentre dans paradis* ».

Abu Hurairah rapporte ki le Saint Prophète (saws) dire : « *Certainement, lien de parenté (c.à.d Rahim) li ene rameau (c.à.d ki li ena même racine ki) Clément (Rahman, attribut de Dieu) et Dieu fine dire (à la parenté) « Sa ki unir Li à toi, Mo unir Moi à li. Celui ki rompt avec toi, Mo pou rompre avec li ».*

L'Islam fine établir relation mutuelle, choisi et obligations entre parents et zenfants, et grâce à sa li fine donne à la famille ene l'équilibre et stabilité ki protége li et mettre li à l'abri bane turbulences de bane société sécularisées.

En ce qu concerne relations entre parents, c.à.d, entre couple ki constituer ene mari et femme, zot contrôler par bane droits et obligations réciproques.

Et sa li assure aux deux partenaires ene compréhension et ene entente durable. Fine recommandé à ene homme pour ki li bon et correct envers so madame. « *Et comporte zot convenablement envers elles.* » (4 :19)

Même z'affaires applique à bane madames. Li bizin respecter et obéir so mari tant ki sa l'obéissance pas contre so la foi et so obligation envers Allah.

Le Mariage Et La Famille Dans L' Islam

« *Quand à elles (bane madames), zot ena bane droits équivalent à zot bane obligations, conformément à la bienséance. Mais bane hommes ena ene prédominance lors bane madames. Et Allah Li Puissant et Sage.* » (2: 228)

« *A bane hommes, la part ki zot fine acquise et à bane femme la part ki zot fine acquise.* » (4 :32).

Ene madame li capave être autonome en même temps ki li faire partie de la famille. So bane aptitudes ki li ena dans li capave faire li vine la maîtresse de la situation et pivot centrale de l'événement ki capave prouve l'indépendance so personnalité

Coumsa même, Assia, la femme du pharaon ti utilise so don, so l'instinct maternel, pour li atteindre sa ki so la foi ti dictée li pour faire, c.à.d sauvegarde la vie Moïse.

« *Et la femme du Pharaon fine dire : « Sa zenfant là li pou réjouir mo li yeux et pour toi aussi ! Pas tuer li, li capave être utile pour nous, sinon nous pou perdi li comme zenfant.* » (28: 9)

Capacité ki ene madame ena pour raisonner quand zot ena pou assume certains responsabilité, capave faire le faux triompher sur le vrai. Pareil comme le cas de Noé so madame.

« *Allah fine cite en parabole bane ki pas fine croire ; la femme de Nuh et la femme de Lut. Zot ti sous l'autorité des deux Nous bane serviteurs ki ti vertueux. Toutes les deux fine trahir zot (c.à.d Nuh et Lut) et zot pas fine vine d'aucun aide pour (ces deux femmes) vis-à-vis d'Allah. Et ti dire zot : « Rentre dans difé avec bane ki pé rentrer ».* (66 :10)

D'après Quran, ene madame li autonome (c.à.d li capave agir de so propre chef). So féminité li pas ene imperfection. C'est so bane qualité de raisonner ki capave faire li verse vers le bien ou verse vers le mal selon so la force ou bien faiblesse so la foi.

Sa bane l'exemple montrer ki valeur ene femme ou ene homme dans zot rapport conjugal li pas d'après féminité ou bien masculinité de l'un ou de l'autre. Zot engagement ki éloigne zot ou bien rapproche zot de bane règles ki fine établi, définir madame là ou homme là séparément.

L'émancipation ene madame li concevoir dans règne établi par la foi. La femme de pharaon li ene modèle réaliste sa émancipation là. Nous bizin comprendre ki sa émancipation là pas capave réaliser par la révolte et engage la guerre contre bane hommes pour sa émancipation là. Bizin agir contre le mal d'ene manière général contre tous bane forme despotisme.

LA PUNITION CORPORELLE

La punition corporelle li à peine permettre en Islam. Fine servi li en dernier lieu, comme ene geste symbolique pour démontrer ene profonde désaccord, ene action ki capave termine par ene catastrophe et à ene destruction d' ene famille.

Le Saint Coran suggère ene autre forme de punition ki consiste pour faire chambre à part provisoirement. Cependant, le Saint Prophète (saws) recommande ki si bizin ena ene punition physique, li bizin ene telle façon ki pas laisse aucaine trace lors le corps. En plus, li fine interdit pour battre ene madame lors so figure. Nous bizin comprend ki quand nous tape légèrement lors la main, la peau vine rouge et sa en accord avec Hadith pas permettre.

Donc, seulement ene léger tape lors la main capave tolérer (couma parfois quand ou tape ene enfant) et sa acte là pour servi couma li bizin pour indique ene grand mécontentement.

Si à plusieurs reprises ene missié batte so madame, madame là gagne droit demande divorce. Le Saint Prophète (saws) ki jamais fine maltraite aucaine de so bane épouses fine dire :

« Si jamais ene musulman bizin batte so madame li bizin en aucun cas pas laisse aucaine trace lors so le corps. » (Tirmizi, muslim).

« Nourri zot couma ou nourri ou-même : habille zot couma ou habille ou même : pas batte zot lors zot figure, pas maltraite zot. » (Abu Dawood)

« C'est ki battre zot madame li pas meilleurs parmi bane hommes. » (Kathir III)

« Et ou craigne la désobéissance, exhorte zot, éloigne ou de zot lors lili et puni zot. » (4: 35)

Hazrat Aïsha (ra) déclare: *« Le Saint Prophète pas ti batte personne, ki li ene madame ou ene serviteur, et li ti défendre fermement la cause de l' Islam. »*

Le Messie Promis (a.s) li répète le message du Saint Prophète (saws) et dire :

« Celui ki maltraite so madame, pas appartenir à mo Communauté », et li insister lors l'exemple parfait ki Hazrat Muhammad (saws) ti été.

Hazrat Muhammad (saws) ti ene l'exemple parfait ki guide nous dans chaque l'étape de nous la vie. Guette façon ki li ti pé traite so bane épouses. Selon le Messie Promis (as),

Le Mariage Et La Famille Dans L' Islam

l'homme ki servi so la force pour régler ene dispute avec so madame, li ene lâche. (Malfoozat Vol.4 p.44)

« *Bane premiers et principales témoins de la piété et comportements d'un homme c'est bane épouses. Si ou pas entretenir bons rapports avec zot, comment ou pou parvenir à la paix avec Dieu ?* » (Al-Hakam 17 Mai 1903)

LE DIVORCE

L'Islam permettre le divorce, mais d'après bane Hadiths c'est ene pratique ki déplaire Allah beaucoup. Au fait, bane procédures pour divorce li telle ki capave ena bane chance de réconciliation. Sous la loi Islamique, divorce bizin prononce en trois fois avec ene intervalle ene mois entre chaque déclaration.

Pendant sa temps là, madame là reste sous le toit conjugale (*sauf si li fine commettre l'adultère*) et la réconciliation li encouragée. Et si divorce là fine terminer, alors le mari bizin '*renvoye li avec gentillesse*'. Li responsable financièrement de so bane enfants jusqu'à ki zot vine majeurs et li responsable aussi de so madame pendant ene certaine temps (*Iddat*) après le divorce.

Certain raisons valables pour demande divorce c'est :

1. L'adultère mais témoignages oculaires de quatre dimounes li nécessaire si personne ki accuser là dire li pas vrai.
2. Si mari là refuse pour subvenir à bane besoins financiers de so famille.
3. Si mari là refuse pour gagne relations conjugaux pendant plus ki trois mois.
4. Si fine abuse l'épouse ou enfant physiquement ou sexuellement.
5. Si ena l'incompatibilité dans ene couple à ene tel degré ki impossible pour réconcilier.

Le divorce li capave entamer par le mari ou la femme, si mari là ki demande divorce, li le '*Talaq*' et dans sa cas là, li pas capave demande bane cadeaux ki li fine offert à so madame. Mais si madame la demande divorce, li le '*Khula*', et li bizin retourne so dot '*Mahr*'.

Bane ki fine divorcer gagne droit remarier avec les autres partenaires.

CONCLUSION

Le principale but d'ene mari ou d'ene femme c'est ki li bizin coute que coute essaye par tous moyens *Halal* (licite) possible pou conserve so mariage avec so conjoint/e. Sakaine d'entre zot bizin conne établi zot dans l'Islam et conne zot bane droits dans ene telle façon ki le divorce pas vine ene solution à zot bane problèmes, mais ki au contraire, zot mariage vine ene modèle pour bane zenfants ki pé grandi dans sa foyer là, afin ki sa bane zenfants là grandi avec bane bons bagages, et bane bons perceptions du mariage, et non pas le contraire. Azordi jours, nous trouver ki le taux du divorce fine augmenté et ki bane jeunes fine déboussolé, sans ene bon guide. Zot vrai guide dans bane premiers moments de zot la vie, c'est bien zot bane parents, mais si astaire là sa bane parents là pas fine reflecter l'idéale du Saint prophète (saws), alors sa bane zenfants là pou ena tendance suivre tradition et culture de zot bane les autres camarades de les autres religions. Alors, O bane missiés, madames, et même jeunes hommes et jeunes filles, prend conscience de devoirs ki attane zot, afin ki demain zot pas mette au monde ene génération privé de bénédictions divine. Au contraire, cultive l'Islam dans zot afin ki zot mariage et la famille gagne la lumière d'Allah ki tini sa, afin ki l'Islam triompher demain dans tous les cœurs de bane dimounes. *Insha-Allah. Ameen.*